

starfstöð. Bréfarifur skulu vera minnst 25x260 mm að stærð og staðsettar þannig að fjarlægð frá gólfi (jörðu) að neðri jaðri bréfarifu sé ekki minni en 1000 mm og ekki meiri en 1200 mm.

Bréfastassamstæður skulu staðsettar á neðstu hæð sem næst aðalanddyri svo bréfberi geti óhindrað komist að og athafnað sig við skil bréfastótsendinga. Lýsing við kassastæðu skal vera fullnægjandi og eigi lakari en almennt er krafist í göngum og stigahúsum fjölbýlishúsa.

Við hverja bréfarifu og/eða á hverjum kassa skal vera skilti eða gluggi, minnst 26x100 mm að stærð, þar sem tilgreint er með stóru og skýru letri fullt nafn húsráðanda og annarra sem hjá honum búa. Ennfremur skal í fjöleignarhúsum tilgreina númer og auðkenni hæðar. Eigendur (íbúar) fjöleignarhúsa skulu sjá um, að kassarnir séu rétt merktir á hverjum tíma og ber þeim einnig að útvega íbúaskrá fyrir viðkomandi hús. Innbyrðis staðsetning kassanna skal vera sem eðlilegust t.d. kassi fyrir íbúð á fyrstu hæð neðstur til vinstri í samstæðunni o.s.frv. Kassarnir skulu vera læstir og samstæðan vel fest við vegg, svo að útilokað sé að bréf falli aftur fyrir hana.

Staðsetning kassastæðu á vegg skal vera þannig, að hæð frá gólfi að neðri jaðri neðstu bréfarifu sé ekki minni en 700 mm og hæð frá gólfi að efri jaðri efstu bréfarifu sé ekki meiri en 1750 mm. Staðsetning einstakra kassa skal vera þannig að hæð frá gólfi að neðri jaðri bréfarifu sé ekki minni en 1000 mm og að efri jaðri bréfarifu ekki meiri en 1200 mm.

2. gr.

Reglugerð þessi sem sett er samkvæmt 37. gr. skipulags- og byggingarlaga nr. 73/1997 öðlast þegar gildi.

*Umhverfissráðuneytinu, 8. febrúar 2002.*

F. h. r.

**Ingimar Sigurðsson.**

*Sigurður Á. Þráinsson.*

## REGLUR

**um breytingu á reglum nr. 885/2001 um inntöku nýnema í læknisfræðiskor og sjúkrahjálfunarskor í læknadeild Háskóla Íslands.**

1. gr.

Í stað ártalsins „2002“ í 1. mgr. 2. gr. og 5. mgr. 5. gr. kemur: 2003.

2. gr.

Í stað 1. mgr. í ákvæðum til skýringar koma þrjár nýjar málsgreinar svohljóðandi:

Samkeppnispróf verða haldin í desember 2002 fyrir þá sem skrásettir eru á 1. námsár við læknadeild á haustmisseri 2002. Fyrirhugaðar breytingar á námsefni 1. árs koma til framkvæmda eins og áætlað var og verður prófað úr því námsefni í samkeppnisprófum í desember 2002. Auk þess verður þá einnig prófað úr almennri þekkingu, siðfræði og nálgun vandamála eins og áætlað er að gera á inntökuprófi samkvæmt þessum reglum.

Í þessu fyrirkomulagi felst að inntökupróf í læknadeild Háskóla Íslands verður tekið upp í tveimur áföngum. Reglur um val stúdenta til læknisnáms og val stúdenta til náms í sjúkrahjálfunarskor, sem samþykktar voru í háskólaráði 26. mars 1992, verða endurskoðaðar

í samræmi við þetta, en fyrirkomulagið verður kynnt á heimasíðu læknadeildar og í kennsluskrá Háskólans, eins og venja er.

Vorið 2003 verða inntökupróf haldin fyrsta sinni samkvæmt þessum reglum. Nemendur sem hafa þreytt samkeppnispróf á vegum læknadeildar, áður en inntökupróf eru fyrst haldin samkvæmt þessum reglum, en ekki hlotið rétt til náms í læknadeild vegna fjöldatakmarkana, verða að undirgangast inntökuprófið óski þeir að sækjast á ný eftir námi í læknadeild.

3. gr.

Reglur þessar, hefur háskólaráð sett með stoð í 2. mgr. 13. gr. laga nr. 41/1999 um Háskóla Íslands, sbr. 3. mgr. 89. gr. reglna fyrir Háskóla Íslands nr. 458/2000.

Reglurnar öðlast þegar gildi.

*Háskóla Íslands, 12. febrúar 2002.*

**Páll Skúlason.**

*Þórður Kristinsson.*

5. febrúar 2002

Nr. 135

## SAMÞYKKT

### um sorphirðu í Stykkishólmi.

1. gr.

Stykkishólmsbær annast sorphirðu (sorpeyðingu og sorphreinsun) í Stykkishólmi samkvæmt ákvæðum þessarar samþykktar og fer sorphirða fram undir stjórn bygginga- og skipulagsdeildar og eftirliti heilbrigðisnefndar Vesturlands. Stykkishólmsbær getur falið verktökum að annast innsöfnun á sorpi í Stykkishólmi, flutning og förgun.

2. gr.

Verktakar sem annast sorphirðu skulu hafa til þess starfsleyfi heilbrigðisnefndar.

3. gr.

Sérhver íbúðarhafi í Stykkishólmi er skyldugur að nota þær aðferðir og ílát við sorpgeymslu og hreinsun sem bæjarstjórn, í samráði við heilbrigðisnefnd, ákveður.

4. gr.

Sorpgeymslur skulu vera aðgengilegar fyrir sorphirðumenn og skulu húsráðendur hreinsa snjó frá sorpgeymslum á vetrum og halda greiðfærri leið að þeim, svo unnt sé að annast hreinsun.

5. gr.

Stykkishólmsbær leggur til sorpílát fyrir heimilisúrgang til einstaklinga og fyrirtækja. Sorpílátin eru leigð samkvæmt gjaldskrá sem bæjarstjórn setur.

6. gr.

Í almenn sorpílát við heimili í þéttbýli má aðeins setja neysluúrgang, þ.e. venjulegan heimilisúrgang, í samræmi við nánari fyrirmæli sem kunna að verða sett um flokkun úrgangs. Ekki má setja í þau mold, mól, grjót, byggingaúrgang, garðaúrgang o.þ.h. Spilliefni og annar hættulegur úrgangur má ekki fara í sorpílát né heldur lyf.

Glerbrotum og öðrum oddhvössum hlutum, sem hætta er á að skaði þá sem meðhöndla sorpið eða sorpílát, skal pakkað inn eða gengið frá á annan tryggilegan hátt. Gæta skal þess að fylla sorpílátin ekki meira en svo að auðveldlega megi loka þeim.